

آبونه سرائطی

ممالك عثمانیه ده سنه لکی (۶۵) ، الق
آیلنی (۳۵) غروشدن .
ممالك اجنبیه ده سنه لکی (۱۷) ، الق
آیلنی (۹) فر تقدیر .

اراره خانه

باب عامی جاده سنده و درخان پک خاتنده
نومرو ۲۳-۲۶

اخطارات

آبونه بدلی پشینه ر .

§

مسالک موافق آثار مع الممنونیه قبول
اولنور . درج ایدیه بین یازیلر
اعاده اولوعار .

الشیخ الاسلام

سر ۱۳۳۰

اخطارات

رساله مزین آلدینی کو- بتمک شرطیه
بتون ، زیلر هر هانکی بر غزته طرفندن
اقتباس اولونه ییدر .

§

مکتوبلرک ، امضالک واضح و
اودوناقلی اولسی و آبونه صبره
نومروسی محتوی بولونمسی لازمدور .

§

ممالك اجنبیه ایچون آبونه اولانلرک
آدرسارینک فرانسز سوسی یازلمسی
رجا اولنور .

§

اون آبونه نید ایدن ذاته بر آبونه
مجاناً تقدیم اولنور .

اتبعون اهدکم سبیل الرشاد

دینی ، علمی ، ادبی ، سیاسی هفته لقی جموعه اسلامیه در

والله یهدی من یشاء الی صراط مستقیم

صاحب و مدیر مسئول : ح . اشرف ارباب

جلد ۲ - ۹

نخشبته ۷ شباط ۱۳۳۸

۱۴ ربیع الاول ۱۳۳۱

عدد ۵۰ - ۲۳۲

بیفهمر بمن علی الصلوة والسلام افندمک طوغدیفنی کیمه

چیکنندی حرم پاک شریک ؛
ناموسه یابانچی محرم اولدی !
پننده اوتن چاک سسندن
یکلرجه مناره آبکم اولدی !
الله ایچون ای نبی معصوم ،
اسلامی بیراقه بویله بیکس ،
اسلامی بیراقه بویله مظلوم .

ییلر کیچورکه ، یا محمد ،
آیلر بزه هپ محرم اولدی !
آقشام نه کونشلی بر کیجه یدی ..
ایواه اوده لیل ماتم اولدی !
عالم بوکون اوج یوز الی میلیون
مظلومه یامان بر عالم اولدی :

خُطْبَةُ مَوَاعِظُ

اوجینبی مرعظه

استاد محترم محمد عاکف بک افندی طرفندن
سلطانیه کرسیسند

بِسْمِ اللَّهِ الرَّحْمَنِ الرَّحِيمِ

«وَالَّذِينَ جَاهَدُوا فِينَا لَنَهْدِيَنَّهُمْ سُبُلَنَا وَإِنَّ اللَّهَ لَمَعَ الْحَسَنِينَ»

صدق الله العظيم

الله جل جلاله بیوریورکه : (والذین) او کیسه لره (جاهدوا)
مجاهده ایدرلر ، چالیشیرلر ، جابالارلر .. (فینا) بزم اوغورمزده .
الله ذوالجلال اویله سویلیور : بزم اوغورمزده چالیشانلر ، بزم ایچون
چالیشان ، جابالایان ، مجاهده ده بولونانلر ... نه اوله جق ؟ (لهدینهم)
بزاونلری مطلقا مظهر هدایت ایده جکرز ؛ هیچ شبهه یوق ایده جکرز .
(سبلنا) کندی سبل آلهیه مزه ، کندی یوللریمزه . یعنی بزم ایچون
چالیشانلری ، بزم اوغورمزده مجاهده ایدنلری بن مطلقا مظهر توفیق

ایده جکم . هم (لهدینهم) صیغه سی تا کیددر : مطلق ایده جکم ، شبهه
یوق . او مجاهد قوللری هیچ بر زمان محرومیت ایچنده اولدورمیه جکم .
(وارالله لمع الحسنین) ای مسلمانلر ، بونی بیلیمش اولکزرکه : الله
اییلرله برابردر . «محسن» یالکزر ، احسان ایدن ، پاره ویرن دیمک
دکدر ؛ ای دیمکدر ، اییلک ایدن دیمکدر . یعنی «مسی» ک ضدی .
ایشته آیت جلیله ده کی وعد آلهی قطعی در ، صریح در . شبهه یه
اصلا محل یوق . جناب حقت وعد آلهیسی خلف قبول ایتمز .
(لا تخلف الله وعده) ، (ان یخلف الله وعده) ... قرآنک بر جوق
یرلرنده مصرح . جناب حقت وعدده هیچ خلف یوقدر . (یامن
اذا وعدنی واذا اوعد تجاوز و عفا) اللهک وعدی ، وعد لطفی
هیچ خلف قبول ایتمز ؛ وعیدی ، یعنی وعد قهری بویله دکل ؛
دیلسه ، بلکه عفو ایدر ؛ فقط وعدینی هر حالده ایفا بیورر .

پک اعلی ! مادام اویله در ، مادام آیت کریمه : حق یولنده چالیشانلرک
الله ذوالجلال طرفندن هیچ بر زمان محروم بر اقلمایه جقنی بیلدیریور ؛
او حالده نه در مسلمانلرک بو حال ؟ ۳۵۰ میلیون می ، ۴۰۰ میلیون می ،
جهانده بو قدر مسلمان وار ؛ شرقده وار ، غربده وار ... شمالده
وار ، جنوبده وار ... هپسی حرمان ایچنده یاشایورلر . نرمیه کندی
جناب حقت وعد سبحانیسی ؟ (لهدینهم سبلنا) نه اولدی ؟ هان هان
مسلمانلر بو وعد آلهینک تحققتدن امید کیسه جکرز . حتی بر قسمی
کسدیلر ! نه در عالم اسلامک باشنده دونن بو فلا کتار ؟

هان سن الله وعدنده خلف ایتمز ، دییوردک ؟ پک اعلی ، الله
نه بیوریور . (والذین جاهدوا فینا لهدینهم سبلنا) بزم اوغورمزده
مجاهده ایدنلری بزم مظهر توفیق ایده جکرز . شیدی شو ۳۵۰ ، یا خود
۴۰۰ میلیون مسلمانک هپسک وجدانه دخاتله صورارم : هانکیسی
بویله بر مجاهده ده بولوندی ؟ مسلمانلق یالکزرکله شهادت ایله ، یالکزیش
وقت نماز ایله ، یالکز عبادات بدیهه ایله دکدر . بن بوسوزی عقلمدن ،

جیمدن سویله میورم ؛ باقیکر ، پیغمبریمز علیه الصلاة والسلام افندمن نه بیوریور : (من أصبح لایهم بالمسلمین فلیس منهم) بر آدم که مسلمانلرک دردیله دردلمز ؛ مسلمانلرک فلاکتندن متأثر اولماز ؛ اونلرک امدادینه قوشماز ؛ او آدم هیچ بر وقت مسلمان اوله ماز . مسلمانلق یالکیز لفظایله دکلدر . صورارم : شرقده کی مسلمان غریبه . کینک امدادینه قوشدیمی ؟ شمالده کی مسلمان جنوبده کی دین قاردشک حالتدن متأثر اولدیمی ؟ لاوالله ، اولدی . اوله ایسه عالم اسلام فلاکت اوسته فلاکت کوره جکنه ، برندن قورتولور قورتولماز باشقه سنه اوغرایه جفته شبهه ایتسون .

کچندهده سویلدم ، بز مسلمانلر بر بریمزی ، بر بریمزک اخلاقی ، عاداتی فرنک کتابلرندن اوکره نیورز ؛ بر بریمزدن آنجق بو واسطه ایله خبردار اوله بیلیورز . دیمک فرنکلرک همتی اولماسه بر اقلیمده کی مسلمانلر او بر اقلیمده کی مسلمانلر ایچون یوق حکمنده قالدجق ! باقیکر شو بزده کی همتسزلکه ، شو بزده کی غیرتسزلکه ! صوکراده اونامه دن ، صیقلمه دن اللهدن توفیق ایسته یورز ؛ عجبای بویه بر طلب ایچون یوزیمز وارمی ؟ بز دیورز که : مسلمانز ، او حالده الله بزه توفیق ویرمیدر . دیمک سن مسلمانلرکله اللهی منت آلتنده براتق ایسته یورسک ؟ نه قدر جرأت ، نه قدر حماقت ! باق الله ذوالجلال نه بیوریور : استعید بالله (یمنون علیک ان اسلموا) یا محمد ، کلورلر ، بر طاقلری : « مسلمانز ! » دییه سنی منت آلتنده براتق ایسته یورلر . اوله می ! (قل لا تمناوا علی اسلامکم) حبیم ، اونلره دی که : هی سرسملر ، « بز مسلمان اولدق » دییه بکا منت یوکلهمه یه قالدشما ییکز . (بل الله یمن علیکم) بالعکس سز ، الله قارشى منتدار سکر . زیرابو نعمتی ، بو نعمت اسلامی سزه ویرمش . اوله یا ! بر نعمتی ویرنمی منت آلتنده قالیر ، یوقسه اونعمته مظهر اولانمی ؟ یاسه دوشمه یه کیمک حق وار ؟ کیم نه یایمش که مکفاتی بکله یور ؟ هانکیمز نه یایدی ؟ قارشیمزده کی اقوام ، وظیفه حسندن باشقه برده فدا کارلق حسیله متحسس اولدیلر . کیجه کوندوز چالیشدیلر ؛ همده جانسپارانه چالیشدیلر . بزده هانی سعی ، هانی مجاهده ، هانی عزیم ؟ هیچ بری یوق ؛ هیچ برشی یوق ! دنیا طور میور ، بشریت طور میور ، بوتون ملتلر آلابیلدیکنه کیدیور ! بزاویورکن اونلر اویایقیدیلر ؛ بزاویورورکن اونلر کیجه لی کوندوزلی چالیشیور دیلر .

باشمزه کان بوفلا کتیر اولجه کورولمز برشی میدی ؟ والله دکلدی . والله هیمز بیلیوردق . اوقدر باغیردق ، چاغیردق : دین کیدیور ، وطن کیدیور ، دینک . . . کیم دیکله دی ؟ هیچ بریمز آمان کیتمسین ، طوتالم ، دییه ال اوزاندقمی ؟ والله اوزاتماق . فلاکت حاضرده هیمز مسئول ؛ اوت ، هم عندالله ، هم عندالناس مسئول . ایچمزه مسئول اولمایه جق فرد یوق . باشقه لرینی مؤاخذه ایله کندیمری قورتارمش اولماز . جناب حق : (یا ایها الذین امنوا علیکم انفسکم) بیوریور . باشقه لرینی مؤاخذه دن نه چیقار ؟

هرکس کندی ، نفسنی مؤاخذه ایتسین ؛ هرکس کندی نفسنی مراقبه آلتنده بولوندرسون . هرکس کنندن مسئول . طوغروسی هیچ بریمز وظیفه سنی بحق ایفا ایدمدی . اک هرکس چالیشسه ایدی ، وظیفه سنی ایفا ایتسه ایدی ، وطن اسلام بویه بریشانمی اولوردی ؟ بز عقلک حکمنی تعطیل ایتدک ؛ بز شریعتک سوزنی طوتماق . . . ذاتاً عقل ایله شریعت باشقه شیلر دکل که . علم حالده بیه اوله دینیورمی ؟ افعال مکلفین عاقل بالغ اولانلر ایچون دکلدر ؛ تکالیف الهیه ، بوتون عقلی باشنده اولانلره در . علیه الصلاة والسلام افندمن بیوریورلر که : (دین المرء عقله ومن لاعقل له لادین له) انسانک دینی عقلندن عبارتدر ؛ عقلی اولمایانک دینی ده یوقدر . حدیث صحیح بو . (لایعجبکم اسلام المرء حتی تعلموا ماعقده عقله) بر آدمک مسلمانلغنی صاقین جف القلم بکه نیورمیکز ؛ اولادرجه عقلنی یوقلابکیز باقلم . دها برقاچ حدیث شریف وار که عبارة شریفه سنی عیناً نقل ایدمیه جکم . ماللرینی سوبایهیم : قیامت کونی هرکسک نزد الهیه کی مرتبه سی عقلی مقدارنده اوله جقدر . خلق عمل خیرده بولور ؛ لکن جناب حق ثوابی قوللرینک عقلنه کوره ویرر . انی اما عقله بو قدر حرمت نه دن ؛ چونکه ارباب عقلک ایمانیله سنک نیم ایمانم برمی یا ؟ سن ، بن بابامزدن کوردک ؛ یعنی حاضر دینه قوندق . عقلا ایسه بویه دکل ؛ قفالرنده هر کون بیکلرجه قیامت قویور . شهه لر زوالیلرک بنیان ایمانه متصل هجوم ایدیور . اوغراشیور ، بریسنی ده ویوریور ، بری دها پیدا اولیور . اونده ییقیور اوچنجیسی چیقیور . حاصلی بچاره نک عمری مجاهده ایله کچور ، هپسنی ییقوب ، یعنی حریف آلتنک تريله مسلمان اولیور . طبعی در که فردای قیامتده اونک ، الله عندده کی ، پیغمبریمز عندده کی موقعی سندن ، بندن چوق یوکسک اوله جق . هیچ نیم ایمانم ایله مثلاً غزالینک ایمانی بر اولورمی ؟ البت اولماز . بن حاضره قونشم . او حضرت ایسه ، عمرینی مجاهده ایله کچیرمش . ایشته بزم شریعتیمز عقل شریعتی در ، دینز عقل دخی در . بزیسه عقلک حکمنی بیه تعطیل ایتدک . خیرمزه بر تکلیف واقع اولسه باقارز : شریعته موافقمی ، مخالفمی ؟ نعوذ بالله : بو حال شریعته نه بویوک بهتاندیر ! شریعتک ایچنده معقل اولمایان نه وار ؟ شریعت یالکیز آخرت ایچونمی ؟ اوله اولسه ایدی ، الله مسلمانلری هیچ دنیا به کوندرمز ؛ الست بر بکم امتحانی آتلاتانلری طوغریدن طوغری به جسته کچیرردی ! ذاتاً اک برنجی فلاکتیمز بورادن باشلا یور : دین ایله دنیایی بر برندن آیرمشمز . حال بوکه بونلر باشقه باشقه شیلر دکل . ایشته قرآن المزه ؛ ایشته علیه الصلاة والسلام افندیمرک بوتون سوزلری میدانده ! هیمز کوریورز ، دینی دنیادن آیرمشرمی ؟ (ولا نس نصیدک من الدنیا) (احرث لدنیاک کلمک تعیش ابدأ و احرث لاخرتک کلمک تموت غداً) دنیا ایچون هیچ اولیه جک کبی ؛ آخرت ایچونده یارین اوله جک کبی چالیش . صوکره نمازده هر زمان اوقویورز . (ربنا آتنا فی الدنیا حسنة و فی الآخرة حسنة) یارب ، هم دنیا ده ایملک

صوکر اقالقدم ، قوشه رق کاروانه تیشدم ...
صوکر احضرت سعدی دیورکه :

« بره خفتکان تا بر آرند سر ،
نه بیند ره رفتکانرا اثر ! »

یولده اویونلر کوزلرینی آجدقلری زمان کاروانی کوچش بولورلر ؛
یولده کیسه یی کورمز لر !

حکایه یی بزم حالمزه تطبیق ایدرسه ک کورورزکه : کاروان : اقوام
انسانیه ، چولده : بوماضی عطال در . مادام که دنیا ده بولونیورز ، بوچولی
کچوب کیتک مجبوریتده بزم صیقتی یه قاتلانہ جغز . قاتلانمازسه قرقه دن
کلنلر یولده اویونلری آزر ، کچرلر . قانون حیات بولده در : دورانلر
ایچون حق حیات یوق . بشریت دورمایور . دورورسه ک محقق
آزیرسک !

تاریخدن مثال آrame یه حاجت وارمی ؟ دونکی چومان بولغارلر
آدم اولدیلر ده بزی آزدیلر . بو حریفلر اوتوزسنه اول صای بیلمزلردی !
اوتوزه قدر ، اوده بارمقله ، کوچ صایه بیلمزلردی . حسابی یوزه قدر
هیچ بری چیقاره مازدی ! فقط بوکون باقک نه حاله کلدیلر ! عسکری
عسکرمنی پریشان ایتدی ؛ سیاسیونی سیاسیونمزی باصدیردی .
معلملری بزم معلملرمزدن فضله یارارلق کوستردی . مغلوب اولان
یالکیز اردومزدکل . اوت ، سن بومملکتده هانکی موقعده ایسه ک
کندی مملکتده سنک موقعکی اشغال ایدن بولغار سکا غالب . باقک ،
بونلر اوتوزسنه ایچنده بو حاله کلدیلر . دون بروایت ایکن بوکون
قرال اولدیلر ؛ یارین ایمپراطور اوله جقلر ! متبوعلرینی چکنه دیلر ،
کچدیلر . چونکه چالیشدیلر . اوسایه ده انسانیت قاتیلدیلر . بزیسه
اطرافی کورمه دک ، اویومق ایسته دک ، اونک ایچون چکنندک .

بزده وظیفه حسی یوق . اونلر ایسه وظیفه لرینی ایفا ایتدکن باشقه
فدا کارلقده کوستردیلر . بزم اولجه ایدرنه ولایتی داخلنده مأموریم
واردی . آره صیره بولغارستانه کچردم ؛ کویلرده حریفلرک نه قدر
چالیشدقلرینی کوزمله کوردم . حتی برکره کویک برنده چاریقلی ،
کپه لی بربولغار کوردم . چوبان ظن ایتدم ، لکن آریحق قونوشد .
قدن صوکره حریفی پک یامان بولدم . صوکره برمناسبتله دارالفنون
مأذونی اولدیغنی اوکرندم . باقیکنز تحصیل عالی کورمش برحریف
چوبان قیافته کیریورده ، کویلرلری ارشاد ایدیور !

ایشته دشمنلریمز بویله چالیشدیلر . بز نه یایدق ؟ هیچ برشی .
بوندن صوکراده یاممازسه قیاشامق یوق .

بزی قورتاره جق یکانه چاره . کچنده ده سولیشیدم - معارف در ؛
معارف صحیحه در ، معارف حقیقیه در . مملکته بونی صوقارسه ق
قورتولورز . معارف نافعہ حالا مملکته کیرمدی . عوام قسمی هیچ
اوقومیور ، یازمیور . اوقویوب یازانلر ایسه نه دنیا یه ، نه آخرته
یارار بریغین نظریات ایله اوغراشیورلر . اگر ال برلکیله چالیشیرسه

ویر ، هم آخرته ایملک ویر . دین . دنیادن آیری برشی دکل .
دنیا سنز دین طورماز . هانکی ملتک دنیا سی الندن کیتمش ایسه دینی ده
کیتشد . زیرا کلن ملت ارکان دینی ده تعطیل ایدر .

ایشته روم ایلیک حالی ! دشمن غالب کلدی ، جامعلری کلیسا
یایدی ، آخر یایدی . مسجد بولده نماز قیل ؛ مناره بولده اذان اوقو !
بونکله برابر اوله جغه نسبتله بولاشلر برشی دکل ! اکر بز کوزمنی
آچمازسه ق - نعوذ بالله - اسلامک دنیا ده نامی بیله قالمایه جقدر .
[حضرت ، بوجله یی اوقدر غلیانله ، اوقدر تأثرله سولیدی که سلیمانیه نک
طالغین قبه لرینی جوشه کترین سسی بوتون قبلرده پک حزین
انعکسلر اویاندیری . او آرائق بردقیقه قدر سکوت ایتدی ؛ باقدم ،
کوزندن اوکنده کی تختنه نک اوزرینه یاشلر دوکولیوردی . آرتیق
کریه ایله بوغولمش برسسه دوام ایدره رک دیدی که : [اسلامک صوک
بناهی بو حکومتدر ؛ دینک صوک یوردی بوراسیدر . آه ، یارب سن
اوکونلری کوسترمه ، بوده کیدرسه مسلمنانلک حالی نه اولور ؟ اوزمان
نه نماز قالیر ، نه جامع ؛ نه ناموس قالیر ، نه عائله ؛ نه حج قالیر ،
نه بیت الله ! . والله هپسنی چیکنلر ، ییقارلر ... والله ییقارلر ...
یوزلرجه میلیون اسلامی تحت امارتلرنده طوتان او حکومتلر شیمدیلک
هپ بو حکومندن بیلیورلر ؛ دیورلر که : (مسلمنانلرک میدانده بر
حکومتلری وار . شاید دینلرینه ، کبه لرینه هجومه قالدیشیرسه ق
هپسی اونک اطرافه طوپلانلرلر ، نتیجه سی بزم ایچون خوش کلز .)
خلافتی ده ویردکن صوکره کورورسکیز : شعار دیندن برشی
براقیرلری ؟ اوزمان حدینه دوشسونده هند ، مصر مسلمنانلری ، روس
مسلمنانلری ، یاخود فاس ، جزائر مسلمنانلری « اسلام » کلمه سنی اغزلرینه
آلابیلسونلر ؛ او آنده دملرینی قوپاریرلر . محقق بو ، بونلری بیلملی بز ،
دوشونملی بزده نه ایمق لازمه شیمدین یاغمالی بز . بویله یالکیز « وطن
تهلکه ده ! . » ، « دین تهلکه ده ! . » دیمکه ایش بیتمز . اوتهلکه نک
اولا دأره سنی ، صوکرده چاره سنی دوشونملی ، فلاکتی آدم عقلی
حس ایتلی .

فقط بزده حس قالماش . بزده دویغو قالماش ! هانی حریفک قیچنه
اورمشلر ، آشانی محله ده داوول چالیورلر دیمش ؛ صوکره ققاسنه
اورمشلر ، داوول غالباً بزم محله یه کلدی دیمش . بزده شیمدی طبق
بویله بز ! یانغین باجامزه صاردی ، بز حالا اویویورز ! سعدینک نه
کوزل برحکایه سی وار :

برکیجه کاروان خلقنه قاتیشمش ، غایت واسع برچولدن کچیوردم .
پک یورغون اولدیغ ایچون برکنارده یاندم ، اوبودم . دوه جی کلدی :
قالق ، دیدی ، کاروان کچدی ، کیتدی . سن نه یاپیورسک ؟ بزمه سنک
کبی اویقوم وار ؛ بزمه سنک کبی یورغونم . قاچ کیجه در کوزمه اویقو
کیردیکی یوق . فقط ناصل یانارم ؟ چول خطرلی . صاغده ، صولده ،
آرقده نامتساهی مهالک وار . قالق ، کوزیکی آچ ، باق : یولده
کارواندن اثر وارمی ؟ .

آرتیق نفاقلری، شقاقلری کومهلم . اسکی یاره لری بردها دشمنه یلم .
اورتدیکنز مزارلری تکرار اشمیهلم . استقبالدن قطع امید ایتیهلم .
مایوس اولمایلم . زیرا یأس حرامدر؛ زیرا یأس اک بویوک اولومدر .
اللهم انصر الاسلام والمسلمین ، اللهم انصر الاسلام والمسلمین ،
اللهم انصر الاسلام والمسلمین ، اللهم فرق جمع الکافرین ، ربنا آتنا
فی الدنیا حسنة وفي الآخرة حسنة وقنا عذاب النار .

بِسْمِ اللَّهِ الرَّحْمَنِ الرَّحِيمِ

«ظهر الفساد في البر والبحر بما كسبت ايدي الناس
ليذيقهم بعض الذي عملوا لعلهم يرجعون»

مال مکیبی

انسانلرک ، کندی . نوز اللریله یایدق لری فناقلر یوزندن قارالرده ،
دکزلرده فساد ظاهر اولدی ، قهر و جلال صاحبی اولان الله تعالی
اونلرک سعادت حیالری بو صورتله افساد ایتدی . تا که جزای
عمللرندن بعضیسنی طاسیدار ؛ بلکه عصیانلرینه ندامت ، اللهم بارکاه
رحمت ومغفرته دخالت ایدرلر .

..

ازمنه وامکنه نیک تاثیراتندن شانی منز و متعالی اولان حضرت قرآن
حکیم ، جهان توحیدک اوازی و ابدی قانونی باق نه دیور ؟ اسلامیتله
او حقیقی انسانیت و مدنیتله فخر ایدن هر عقل سایی صاحبی بدبخت
وطن خلافتی ، بلکه بوتون عالم اسلامی قاپلایان آتش فنه و فساد
ایچنده چایر چایر یانارکن کتاب الهی آچوبده شوآیه جلیله یی درین
بر امان نظرله اوقوینجه نه دیر ؟ صانکه شمدی جلالت بخش نزول
اولمش صانیرده قارشیدنده تیر تیر تیردر .

أوت ، أوت ! شمدی مهابت بخش نزول اولدی . ایشته سکا
خطاب ، ایشته سکا توجیه عتاب ایدیور . عقلک و ارسه دیکله ! فکرك
وارسه دوشون ! روحک و ارسه تیردر ! لسان حقیقت . (فساد)
نظم کریمنی قحط و غلا ایله ، وبا و طاعون ایله ، مهادی حریق ایله ،
زلزله ایله ، اعدای دین و وطنک غلبه و استیلاسی ، قتل عامی ، نسوانک
ناموس و عصمتی پامال اولونمسیله تفسیر ایدیور . ایشته یانغینلر مهادی !
ایشته زلزله لر متوالی ! ایشته طرابلس غرب کبی قوجه بر
وطن اسلام الدن کیتدی ! ایشته روم ایلی کبی کشورلر ، حکومتلر
وجوده کتیره جک قدر بویوک بر ملک اسلام ، اعدانک پای استیلاسی
آلتشده ایکلیور ، ناموس اسلام تاجان اوندن خنجر ظلم ایله
وورولمش ، سینه سندن قانلر فیشقیور . مخدراتمرك ، بیکلرجه
زوجهرلیمرك ، قیزلیمرك ، کلنلریمرك نقاب عفت و عصمتلری قانلر
ایچنده یوزیور . کندیلری ناصیه فلا کتلیرینه باصیلان صلیب تمغاسیله
جبراً و قهراً سور و کلنلرک کلیسالره کوتوریلدیور . اصنامه سجده

امینم که قورتوله جغز ، یوقسه قورتولمق امکائی یوق .
أوت ، دین ده معارفله قاشم ، دنیاده . دنیانک معارفله قاشم اولدینی
اکلاشیر . فقط دین نصل معارفله قاشم اوله یلیر ؟ اوده یک طیبی .
چونکه انسانیت طور مایور . کوندن کونه تمالی ایدوب کیدیور .
حتی مسلمانلقدن اول بر چوق ایدان واردی . بو کون اونلر منسوخدر .
فقط نازل اولدق لری زمان اووقتیکی انسانلر ایچون کافی ایدی .
صو کرا ادوار دیکشیدی . انسانلر ترقی ایتدی اونک ایچون هر دین
یرنی کندیسندن دهامکمل بر دینه براقیدی ، چکیلیدی . تامسلانلغه
قدر حال بویله ایدی . مسلمانلق خاتم الادیاندر . بوندن صو کره بر
دین السمی دها کلیه جکدر .

یک اعلا ! نصل اولورده مسلمانلق قیامته قدر کلوب کیده جک
انسانلرک احتیاجنه کافی کله بیله جک ؟ البت . چونکه کتاب اللهک ،
احادیث رسول اللهک ایچنده هر دورده یاشایه جق انسانلرک احتیاجنی
تأمینه کافی حقایق وار . یالکز او حقیقتلر علمله میدان چیقار .
قرآن آیه الله دکلی ؟ ارض ، سماء بر آیه الله در . بزم کبی
اقوام ابتدایه طور اقدن ساده کین آلیر ؛ بر آزدها غیرت ایدرسه
صو چقاریر . اقوام متمدنه یسه معدن چیقاریر . بز صودن یالکز
دکرم یایورز . اونلر الکتریق استحصال ایدیور . بز بولوطدن
یاغور طوپلایورز ؛ اونلر ییلدیریم بیله اولیور !

مادیات بویله اولدینی کبی معنویات ده بویله . مترقی ملتلر نصل بو عالم
خلقتده بزدن چوق ، هم قیاس قبول ایتیه جک قدر چوق مستفید
اولیورلرسه عالم بر جاعت اسلامیه ده کتاب اللهدن ، احادیث نبویه دن
شمدیکی جاهل مسلمانلره نسبتله نا تنهای حقائق چیقار بیلیر . یوقسه
وقتیله ایجابی قدر تفسیر یازیش ، الیورر دییه میه جکیز . اسلاف
چالیشمشر ، الله کندینرندن راضی اولسون ، بر چوق آثار وجوده
کتیرمشر ، فقط دییمه مشرکه : بو آثار منی الی یوم القیام سزه الیورر .
سز آرتیق چالیشماییک ده یالکز بزم کتابلری اوقوییکیز .

بالعکس دیمشرکه : سزده چالیشه جقسکیز . هم بونلری اوقویه
جقسکیز ، هم ده کندی فکر کزی علاوه ایدرک زمانکیزه کوره
یکی یکی اثرلر وجوده کتیره جقسکیز . بویله بویله صو کونه قدر
کیده جک .

خلق خیرینی ، شرینی بیلدیور . چونکه بوسبوتون جاهل .
بز اوقور بازار طبقه ده زوالیلری بوسبوتون معکوس بوللره سوق
ایدوب طور یورز ! درت سنه در آیاقلانان ، نهایت باشمزه بوفلاکتی
کتیرن اقوامک سبب عصیانی نه ایدی ؟

هپ جهالتلری ! قیشقیرتدیلر . اونلرده نه یاپسون ، حقیقت حالی
فرق ایدمه دکلری ایچون ، هر فساد قاپلیدیلر . ایشته ارناوودلر !
باقیکیز نه حاله کلیدیلر ! بزیده نه حاله کتیریدیلر ! بوده یک طبعی در .
بویله کیدرسهک العیاذ بالله اقوام سائرده عینی حاله کله جک . هر کس
فلاکتی کورسون ، عاقبتی دوشونسونده اوکا کوره چالیشون .